



*Ainsi que Iesus dormoit en la nacelle , un grand orage de mer s'éleua , & il commanda au vent , qui soudain s'appaisa.*

**A** PRES que Iesus eust donné plusieurs bons enseignemens au peuple qui le suiuit : le Vespre estant venu , il monta en la nacelle avec ses Disciples , & leur dist , Passons à l'autre riuage du Lac : & ayans laissé la multitude , ils partirent. Ainsi doncques comme ils voguoient parmy les ondes , Iesus s'endormit : & voicy vn grand bruit s'éleua sur le Lac , & vn orage impetueux , en sorte que les vagues remplissoient la nacelle , & estoient en danger de perir. Lors les Disciples tous effrayez vindrent à Iesus qui dormoit , disans : Maistre , Maistre , sauue-nous , nous perissons.. Et estant réueillé il commanda au vent , & dist à la mer ; Tais-toy , & te tiens coye. Adonc le vent cessa , & grande tranquillité fut faite. Et Iesus leur dist , Où est vostre foy ? que craignez-vous ? comment n'avez-vous point encore de fiance ? Alors les hommes eurent grande crainte , & s'ébaissoient , disans entr'eux ; Quel est cettuy-cy qui commande aux vents & à l'eau ? les vents & la mer luy obeïssent.

*S. Matthieu Chap. 8. S. Marc Chap. 4. S. Luc Chap. 8.*